

ZAKON

O KLASIFIKACIJI DJELATNOSTI U FEDERACIJI BOSNE I HERCEGOVINE

Član 1.

Ovim Zakonom utvrđuje se pojam, primjena i upotreba klasifikacije djelatnosti, osnove na kojima se zasniva, subjekti na koje se odnosi i druga pitanja od značaja za klasifikacije djelatnosti u Federaciji Bosne i Hercegovine (u daljnjem tekstu: Federacija).

Član 2.

Klasifikacija djelatnosti je obavezan standard koji se upotrebljava pri evidentiranju, prikupljanju, obrađivanju, analiziranju, publiciranju i iskazivanju podataka značajnih za praćenje stanja i kretanja na ekonomskom, demografskom i socijalnom području, te na području životne okoline i prirodnih resursa u Federaciji.

Član 3.

Klasifikacija djelatnosti primjenjuje se:1) u donošenju mjera ekonomske i socijalne politike i praćenju promjena u ekonomiji;2) u platnom prometu;3) u službenoj statistici, sistemu informiranja, evidenciji, planiranju razvoja;4) u prikupljanju, obradi i objavi podataka prema djelatnostima;5) pri sklapanju ugovora i izvršavanju međunarodnih obaveza;6) u naučnoistraživačkom i analitičkom radu;7) za upis djelatnosti u statističke, administrativne i registre posebnih namjena.

Član 4.

Klasifikacija djelatnosti zasniva se na Statističkoj nomenklaturi ekonomskih aktivnosti Evropske unije (NACE) i uporediva je sa međunarodnom klasifikacijom djelatnosti Ujedinjenih naroda - Internacionalni standard industrijske klasifikacije (ISIC).Usklađivanja Klasifikacije djelatnosti sa statističkim standardom iz stava 1. ovog člana vršit će se u skladu sa Zakonom o klasifikaciji djelatnosti Bosne i Hercegovine ("Službeni glasnik BiH", br. 76/06).

Član 5.

Odluka o klasifikaciji djelatnosti u Bosni i Hercegovini primjenjuje se na teritoriji Federacije.

Član 6.

Klasifikacija djelatnosti upotrebljava se za određivanje djelatnosti, odnosno za razvrstavanje poslovnih i drugih subjekata i njihovih dijelova za potrebe različitih službenih i drugih administrativnih zbirki podataka (evidencije, registri, baze podataka i sl.).

Član 7.

Razvrstavanje poslovnih i drugih subjekata i njihovih dijelova po djelatnostima obavlja Federalni zavod za statistiku (u daljnjem tekstu: Zavod) u skladu sa zakonima i drugim propisima Federacije i Bosne i Hercegovine. Postupak razvrstavanja subjekata iz stava 1. ovog člana uredit će se propisom koji donosi direktor Zavoda. Direktor Zavoda će propis iz stava 2. ovog člana donijeti u roku od 60 dana od dana stupanja na snagu ovog Zakona.

Član 8.

Prema Klasifikaciji djelatnosti razvrstavaju se po djelatnostima: 1) pravna i fizička lica koja vrše djelatnost u skladu sa zakonskim propisima; 2) organi vlasti na nivou države; 3) organi vlasti na nivou Federacije; 4) organi vlasti na nivou kantona; 5) organi vlasti na nivou grada i općine; 6) i druga domaća i strana fizička i pravna lica kao i dijelovi ostalih domaćih i stranih pravnih lica.

Član 9.

Poslovni i drugi subjekti i njihovi dijelovi razvrstavaju se u područja, potpodručja, oblasti, grane, razrede i podrazrede klasifikacije prema djelatnosti koju vrše. Ako subjekti iz stava 1. ovog člana vrše više djelatnosti razvrstavaju se prema djelatnosti koju pretežno vrše.

Član 10.

Zavod vodi Jedinostveni registar poslovnih i drugih subjekata i njihovih dijelova (u daljnjem tekstu: Jedinostveni registar) i Statistički poslovni registar (u daljnjem tekstu: Statistički registar). Jedinostveni registar i Statistički registar sadrže identifikacione oznake i podatke o razvrstavanju poslovnih i drugih subjekata i njihovih dijelova po djelatnostima, kao i podatke o svim promjenama kod tih subjekata. Metodološke osnove Jedinostvenog registra i Statističkog registra utvrđuje direktor Zavoda. Način korištenja podataka iz Jedinostvenog registra utvrđuje direktor Zavoda.

Član 11.

Zavod je dužan obavijestiti poslovne i druge subjekte i njihove dijelove o razvrstavanju po djelatnostima i o promjenama podataka u Jedinostvenom registru.

Član 12.

Podaci uneseni u Statistički registar služe isključivo u statističke svrhe i o promjenama u njemu se ne obavještavaju poslovni i drugi subjekti i njihovi dijelovi.

Član 13.

Odluka o klasifikaciji djelatnosti iz člana 5. ovog Zakona upotrebljava se kao obavezan standard u službenim i drugim administrativnim zbirkama podataka u Federaciji.

Član 14.

Zavod i ostali subjekti koji vode zbirke podataka, odnosno obavljaju statističke i analitičke poslove dužni su osigurati prijelaz sa Standardne klasifikacije djelatnosti na Klasifikaciju djelatnosti iz člana 5. ovog Zakona najkasnije u roku od godinu dana od dana stupanja na snagu ovog Zakona.

Član 15.

Danom stupanja na snagu ovog Zakona prestaje da važi Zakon o standardnoj klasifikaciji djelatnosti u Federaciji Bosne i Hercegovine ("Službene novine Federacije BiH", br. 6/95) i Odluka o standardnoj klasifikaciji djelatnosti u Federaciji Bosne i Hercegovine ("Službene novine Federacije BiH", br. 28/98, 36/98 i 47/98).

Član 16.

Ovaj Zakon stupa na snagu osmog dana od dana objavljivanja u "Službenim novinama Federacije BiH".

Predsjedavajući Doma naroda Parlamenta Federacije BiH **Stjepan Krešić**, s. r.

Predsjedavajući Predstavničkog doma Parlamenta Federacije BiH **Safet Softić**, s. r.